



Preassadieđáhus

Galget merret boraspirevahágiid

Gozihit boraspiremáddodaga, vaháteastandoaimmat, ja jáhkku guđet guoimmissasaset, ledje váldocekagat dan historjjálaš čoahkkimis gos buot áššáigullelaš bealit ledje mielde, politihkkarat, hálddašeapmi ja ealáhusdoaimmaheaddjit, cuoŋománu 30. beavvi Romssa fylkkaviesus.

”Buohkat” ledje mielde čoahkkimis, politihkkarat, fylkkamánni, boraspirelávdegoddi, boazodoallohálldahus, boazodoalloorganisašuvnnat, sávza- ja gáicadoallit, eanandoalloorganisašuvnnat, suohkanat KS bokte, ja Sámediggi. Čoahkkin lei viiddiduvvon vai fáttmasta sihke Romssa ja Finnmárkku.

Juo ovdalaš geasi áigot dát bealit oččodit ođđa stuora proševtta organiserema gárvvisin. Proševtta váldocekagat leat: Máddodatregistreren, vaháteastadeaddji doaimmat, riidogeahpidandoaimmat ja gelbbolašvuođaloktema doaimmat. Oažžu dadjat ahte stuora boraspiriid hálddašanplána mihttomearri galgá čađahuvvot.

– Mii galgat leat stáhtaráđiid politihkalaš vuojeheaddjit go lea áibbas dárbblaš merret boraspiredili, ja fylkkasuohkanat galget eará beliiguin ovttas ruhtadit proševtta. Mii galgat buoremus lági mielde lámhit dili Fylkkamánnái, gii lea hálddašaneiseváldi, ja mii galgat dagahit ahte ealáhusdoaimmaheddjiin lea eaiggátdilli doaimmaide, vai mii sáhttit nannet vuođđoealáhusaid, dadjá fylkkaráđđejojdiheaddji Paul Dahlø.

– Lean hui ilus go mii sáhttit vajálduhttit boares riidduid, ja go buohkain geaidda boraspirehálddašeapmi gusto, lea luohttámuš nubbái, celkkii fylkkamánniSvein Ludvigsen.

Čoahkkima ulbmil ii lean digaštallat galget go mis leat boraspiret, man olu boraspiret, dahje gos dat galget. Dat lea juo mearriduvvon fylkkaid boraspireplánain. Muhto jus galgat gozihit vahágiid de lea áibbas deatálaš merret elliid logu, vai lohku ii stuoro bearehaga, vai eallit leat dan guovllus mii lea mearriduvvon, ja vai earenoamáš speajáris elliid beaktilit sáhtá jávkadit.

Gávdnojit gal olu vaháteastadeaddji doaimma, muhto jus dain galgá ávki, de ferte buohkain leat oktasaš fáktávuođđu, ja ferte viiddis doarjja vai daid sáhtá čađahit. De fertejit buot bealit luohttit guđet guimmissasaset, dadjá fylkkaráđđejojdiheaddji

